

懶齋集

卷

詩教
賦
文

啓

30
懶齋集
-4



懶齋先生文集目錄

卷一

詩

白雲洞次李汝純希音韻

金烏書院敬次旅軒先生韻

原韻

謹次冶隱先生集中韻

謹次趙龍門呈贈別先王考韻奉餞趙

上舍殷輅軼世兄

敬次仲氏晚悟公韻

古 3648
又 40
46
1

以歲晚何以黔吾突分韻詠懷奉呈伯

虎溪公仲氏求和

奉次金荷潭時讓見寄韻二首

到陶巖舊庄感懷有作呈伯仲氏

偕任李諸友遊冰溪

綠野亭次金東籬允安韻

次金藏菴昌祖韻

次金以直光岳韻

奉呈金忘窩榮祖丹城覲行

贈別金孝徵應祖赴洛

輓宗丈梧峯公之悌

輓洪西潭瑋

輓外舅金公

重過星山舊橋感而有作

丁卯春自江都赴關東幕過昭陽亭次

板上韻

登召公臺

清澗亭次板上韻

贈別申都事汝涉楫

丹陽奉別洪使君霆

奉次仲氏歸去來曲

輓李察訪

挺南

輓趙司果

孝元

戊辰七月以冬至使書狀官赴京舟

過清風次主倅洪景澤

彙韻

宿驪州清心樓

夜泊廣鹿島偶吟

夜聞蟋蟀有感

泊平島憶仲氏

次李學官

壽百韻

九日泊沙門島有感

登罍磯島次上使宋公克
詗韻

夜泊龜岸次許都事春容
稷寄葡萄韻

舟中憶金孝徵諸友

萊州途中

過晏平仲故里

過孔文舉甘棠牌門

過伯夷廟

過王裒故里

過細柳營

過董子故里

過易水二首

十一月初八日達 上京

聞奴賊東搶夜不能寐

十一日 朝參次上使韻

連夜夢陪先君子感而有作

冬至晝夢被仲氏喚起覺後吟成一律

二十七日參冬至賀班用前韻

元日次上使韻

次老杜韻奉呈上使令公

次韻

拈園隱集中韻奉呈上使令公

初二日夜夢拜旅軒先生仍成一絕

仲春望夜獨坐口占

詠壺魚

謁國子監

往天壇

長相思

謝陳允中韓孔麟兩序班惠詩與扇

歸路登蓬萊閣

濟河縣值雨

到大井店後口占

到甌山縣次板上韻

敬亭李公

民歲

輓

訪金孝徵不遇

次李虞卿韻

元朝有感次仲氏除夕韻

寄洪無住鎬

贈鄭靜而

復亨

輓權參判

泰一

輓洪處士

璞

輓金持平

奉祖

次金仲亨

遇秋韻

次金松隱萬年松韻二首

輓李持平復初性源

登侍中臺

高山館次李芝峯

晬光韻

贈別鄭評事

斗卿

登磨天嶺

渡夕陽橋

畱城津

沃原阻雨次板上韻

輓柳教官

禔

輓金察訪

允思

輓洪都事

善慶

輓蒼石李公

峻

輓同知宗文

之行

飛山松亭祗候旅軒先生

敬次旅軒先生行中五言詩

次張經叔

應

韻却寄

用前韻奉呈金梅園光繼

次清陰金相公尚憲贈別詩

輓金藏菴

輓崔完海山輝

旅軒先生輓

伊院次諸友贈別韻

登泣嶺

登觀魚臺

季秋詠月

輓李上舍時榦

貢稅浦別金以直

輓訥齋崔公明

次蒼石韻贈別李子長慶培

用前韻慰金司書貫之宗一失火

輓金溪巖吟

輓柳應教頴

丹丘幽居

輓金梅園

輓陸監司性善

輓俞參議省曾

輓李紫巖民寔

次李壽翁爾松洛泉亭韻

輓梧峯夫人

甲午除夕

輓柳監司碩

輓張晚悔慶遇

丁酉冬至夜吟

次權子正守經自樂堂韻

又次子正天雲臺韻

輓裴君尚虎

己亥正月夜夢吟清風明月是故人之
句覺後足成一絕

懶齋先生文集卷之一

詩

白雲洞次李汝純希音韻癸丑○寓榮

川葛山時

境幽人不到還與鹿爲羣
盡日晴牕掩方知臥
白雲

金烏書院敬次旅軒先生韻

長夜日星煥狂瀾砥柱高
遺編跪讀地猶足會
遙遙

原韻

竹有當年碧山依昔日
高
清風猶豎髮不覺
古人遙

謹次冶隱先生集中韻

栗里田園老此生儻來軒冕不爲榮
一身扶植
三綱重東土千年永有聲

謹次趙龍門呈贈別先王考韻奉餞趙
上舍殷輅載世兄

朔雪暗前途迢迢驚遠別
心期在歲寒離恨那
須說

敬次仲氏晚悟公韻

書劔功名兩不成，恨無奇策答昇平。青海久聞傳虜箭，天山誰復血胡兵。光陰鼎鼎隙中駒，心緒搖搖風裏旌。雪滿窮廬無酒勸，不知何計破愁城。

以歲晚何以黔吾突分韻詠懷奉呈伯

虎溪公仲氏求和庚申

白屋一寒士，中宵獨流涕。擗風吹虐雪，九野玄陰閉。無衣又無食，卒歲將何計。方知米似玉，夏覺薪如桂。長年任寒飢，三十有二歲。

吾將上怨天，九萬何悠遠。吾將下尤人，此心誰

度村悶默不敢言於心卒自反流光疾如梭逝
水無由返只恐此心衰不恨功名晚

太平竟何時四海多干戈王師二十萬魂骨委
風沙元戎亦解甲烈哉金應河蒼生未蘇息賦
役仍煩苛天運固如此吾將柰爾何

國事日已非謨訐者誰子妖星亾角長天變固
有意年饑又兵革盜賊四方起朝廷尚虛文可
笑賑恤使黎民盡顛壑爾來將何以

冬夜苦未央霜月入茅簷起來獨惆悵有淚衣
襟霑謀生太踈闊不能繼米鹽吏胥曉經過督

責官令嚴租稅從何出歎息被黎黔

人皆謂我愚我亦知我愚人皆謂我迂我亦知

我迂愚迂自天性四海一棄儒無聞近四十陋

窮命矣夫平生多感慨白髮先知吾

出門何所適北風吹不歇遂令南山巔松柏半

摧折已驚屋茅卷又見高岡裂鶉衣露兩肘豈

免凍死骨輾轉不能寐終宵臥寒突

奉次金荷潭時讓見寄韻二首

邊關近日虜塵驚禦侮何人似衛青西浦曾中

藏萬甲要須一起作干城

西風昨夜動寒聲一樹庭梧半殺青惆悵故人
今不見可堪秋雨暗空城

到陶巖舊庄感懷有作呈伯仲氏 辛酉

孤露年來尚此身鬢邊贏得雪華新庭闈依舊
音容隔獨立斜陽淚滿巾

偕任李諸友遊冰溪

千山錦步障一水玉鉞鳴邂逅逢佳處悠然却
忘行

綠野亭次金東籬允安韻 壬戌

斷岸登臨處長江一望賒汀楓初下葉野菊尚

餘花把酒秋光晚憑欄夕照斜斯遊真盛事聊
且寄吟哦

次金藏菴昌祖韻

霞佩鏘然刮病眸忽驚黃色兩眉浮溫醇氣度
崑岡玉灑落曾襟湖海樓半夜論懷成夙願三
盃遣興滌閒愁煩君且莫憂時事時事聞來欲
白頭

次金以直光岳韻

霏霏新雨滿空來暗暗清香一樹梅送君此日
魂銷盡寂寞柴扉晝不開

奉呈金忘窩榮祖丹城覲行

此別何須苦斷腸應知歡意溢萱堂頭流萬疊
行者盡贏得瓊琚滿錦囊

贈別金孝徵應祖赴洛

握手離亭欲暮天三盃酒盡一悽然君門要
獻三十字尺劍行裝指日邊

輓宗文梧峯公之悌○甲子

光嶽千年淑氣鍾斗南人傑是吾公青春冠冕
聲名重白首丘園譽望隆聽履未登金殿裏驂
鸞遽上玉京中大德誰教位不滿悠悠無路問

蒼穹

門庭拜謁自髫童承誨平生擊我蒙孝友有光
先祖烈清修無讓古人風蘭摧蕙槁嗟何及虎
逝龍亾運已窮先友卽今零落盡解教悲淚滿
雙瞳

輓洪西潭

璋

小少提杖屨于今卅餘春葭苒情義密鞭策訓
誨頻宿德今無在斯文僂長湮誰教位不滿無
路問蒼旻

輓外舅金公

滋○乙丑

上世旣混茫風氣質而樸人心自無爲天然去
雕飾世道日以降俗尚漸巧黠一一使機智駸
駸遂汨沒公生百世下乃能還其朴稟受本分
外何曾加毫末無慮又無患陶然而自樂不關
事是非焉知世榮辱有時思解渴牆頭送醪濁
快飲一大椀醺醺耳自熱俄然玉山頽形骸任
土木神遊混沌世夢入羲皇日俛仰宇宙間生
涯聊自適謂必享期頤柰何嬰衰疾小子陪杖
屨十有四歲月余時作南行適丁公疾革意謂
神明佑那知便求訣儀音杳如夢古宅空寂寞

丹旌啓前路薤露增悽惻不忍寫哀詞有淚泉
下徹

重過星山舊橋感而有作

少年爲客此曾過百尺虹橋臥渡頭十載重經
消息斷江花無語水空流

丁卯春自江都赴關東幕過昭陽亭次
板上韻

羈紲經年不勝愁東征今復近瀛洲風塵滿目
無歸日魂夢長尋故國遊

登召公臺

煙雨霏微暗碧空三峯特立勢奇雄誰將羽翼
凌青海咫尺仙區若可通

清澗亭次板上韻

使蓋遙臨碧海畔東來奇勝正無雙憑欄不但
遊觀富斗覺靈臺洞八牕

贈別申都事汝涉

楫

莫辭一盃酒明朝難再持孤燈耿不滅心事兩
相知

丹陽奉別洪使君

霆

丹陽太守吾年友芥泮相隨似鴈行嶺嶠重重

音信斷那堪衰暮黯然情

奉次仲氏歸去來曲

西江風浪起無處可安泊世俗好進取邊幅競
修飾吾兄任自然去留無繫著勇退錢若水無
欲孟公綽掉臂歸去來天台數間屋梅菊呈新
態煙霞增舊色劬書恣探討非爲媿青白俯仰
天地間嘯傲聊自樂恨未共此味悵望空躑躅

輓李察訪

挺南

溫醇氣度自天真美質由來席上珍蓮榻小成
才未展郵丞薄宦志何伸流景駸駸纔七袞佳

城鬱鬱幾千春
岳川風月今無主
忍見瑤琴鎖
綠塵

輓趙司果 孝元

孝友傳家範
醇良稟自天
生涯任耕釣
身世老林泉
龜鶴空長筭
龍蛇遽促年
承顏今已矣
題輓一潜然

戊辰七月以冬至使書狀官赴京夜

泊龜岸次許都事春容稷寄葡萄韻

風雨孤舟夜
心肝說得明
葡萄今更寄
終始荷

浚情

舟過清風次主倅洪景澤囊韻

吾友撚髭子相逢一笑開臨分還惜別離恨屬
三盃

宿驪州清心樓

明月三更夜鄉園萬里情客心元愴別何處杜
鵲聲

夜泊廣鹿島偶吟

清淮激灩一湖水可笑當年比汨羅自媿平生
仗忠信那堪今日任風波莫言舟楫顛危甚未
見魚龍出沒多海上無由辦酒債斜陽何處聽

漁歌

夜聞蟋蟀有感

化翁以爾鳴於秋爾之稟性固如是下土茫茫
廣且大胡爲來此孤舟裏孤舟有客作遠遊木
道凌波千萬里脊令分散各一方羽斷鱗沈音
信稀閨中病婦坐長歎稚子呼爺苦相思爾聲
唧唧何太苦此地聞來寧不悲爾自無心聽有
心輾轉中宵不得眠吾當放爾海岸上趨趨莫
近愁人前

泊平島憶仲氏

去歲江都怨別離今年平島苦相忠
天長海闊音書斷排悶聊題一小詩

次李學官壽百韻

浮海如今脫世塵孤舟蕩漾入無邊
三洲十島饒奇勝欲寫新詩句未圓

九日泊沙門島有感

憶昔九月初九日高堂獻酌祝南山
手折黃花插滿頭舞蹈永夕怡親顏
自謂百年內歡樂長如斯那知事大謬
永纏風樹悲每歲值此日悽然傷我情
今年充國价越海朝神京忽逢

佳辰絕嶼中秋光爛熳霜葉紅山河雖異節物
同感念往事心忡忡歡娛已矣難再得東望家
山恨不窮

登鼉磯島次上使宋公克詞韻

水國逢重九登高不勝愁微茫臨碧海迢遞望
丹丘累日淹孤嶼何時放葉舟遙憐離下菊爛
熳故園秋丹丘卽所居里

舟中憶金孝徵諸友

一別居然歲再周故人消息鳳城秋孤舟萬里
朝天客夜夜相思欲白頭

萊州途中

平生自笑井觀天眼闊
滄溟似地仙蓬島艤船
超渤海東牟跨馬向幽燕
川原曠邈乾坤大煙
樹迷茫道路繇斗覺
曾中豪氣發聊將巨筆寫
新篇

過晏平仲故里在濰縣二十里舖

清澁如練柳絲垂
平仲遺墟十里涯
功烈雖卑猶可取
孤裘節儉後人思

過孔文舉甘棠牌門在濰縣東十里

我愛孔文舉高名千載流
棠陰畱古蹟憑軾且

夷猶

過伯夷廟在濰縣西孤山上

當年玉立馬前爭萬古綱常日月明凜凜清風
猶豎髮爲瞻神宇暫停行

過王裒故里在青州

華扁四字想斯人孝子芳名萬古新曾對蓼莪
空起感今過遺址更霑巾

過細柳營在景州十里

夕烽照甘泉塞北煙塵驚天子拊髀歎推轂須
豪英將軍仗金鉞列竈開新營雄威破賊膽號

令迅風霆天子自勞軍前驅道路清都尉奉軍
令墨守堅壁壘軍中有將軍不知有天子天子
按轡行玉節久夷猶將軍請軍禮舉手揖冕旒
至尊興歎美灞棘真兒戲却胡不血刃長城竟
有恃得君如彼專際會真千一嗣皇胡不仁覆
盆未照日嗟哉大理中壯魄空飲血細柳今猶
在青青雪中色千秋客來吊故壘寒曦薄

過董子故里在濟南府

下帷三載討遺經對策丹墀道諒明故里荒涼
人不見斜陽立馬愛傷情

過易水二首

寒日沉西岫悲風吹渡頭
悠悠不盡恨英魄倘
來遊

吾友鄭靜而千載肝膽傾
來時一句語寄我吊
荆卿

十月初八日達上京

航海梯山萬里程聊將筐篚致
丹誠莫言跋涉
重勞勩天日欣瞻白玉京

聞奴賊東搶夜不能寐

聞道東方兵馬起重滇消息杳
難憑彷徨遶壁

終宵立戀 闕息家滄滿膺

十一日 朝叅次上使韻

曉八端門銀燭明隨班賀拜幾賢英微臣自幸
天顏近朝退猶聞劍佩聲

連夜夢陪先君子感而有作

陟降精靈在左右夢中依舊覲儀刑幽明縱隔
情何間應慰孤兒滯 上京

冬至書夢被仲氏喚起覺後吟成一律
多病昏昏氣似灰客中無處好懷開南柯一枕
遊魂遠西日三竿急景催雕朽却忘先聖戒喚

醒旋賴我兄來
遠遠未吐心中
蘊悵望東天恨
不裁

二十七日參冬至賀班用前韻

吹葭六管動浮
灰南至佳辰闔
闔開日照金墀
仙仗列天田
玉輦賀班催
衣冠蹈舞千官
集
筐篚玄黃萬國
來賤价叨忝真
幸事區區頌祝
意難裁

元日次上使韻已巳

初秋作客又逢
春孤館羈留我
二人對局疎燈
爭道幾題詩殘
雪舉杯頻世情
自是分寒熱交

謫何嘗問故新聊託忘年期歲暮不須膠漆讓
雷陳

次老杜韻奉呈上使令公

孤館無人到春來倍寂寥音書迷故國 恩眷
荷 皇朝路遠青齊隔雲深碧海遙忠歸歸未
得何必旅魂招

次韻

旅館淹衰病重門鎖寂寥飄零身萬里荏苒
歲三朝夢裏家鄉近天涯客路遙分華曾有
約終負故人招

拈圃隱集中韻奉呈上使令公

牢鎖烏蠻館重門
濼復濼孤燈長作伴
夜夜故鄉心

初二日夜夢拜旅軒先生仍成一絕

拜違函丈已經年
一念長懸洛水邊
五色今宵承入夢
覺來東望倍依然

仲春望夜獨坐口占

朝 天遠客幾時回
碧海茫茫鴈不來
明月寒牕鄉思苦
浮生半向此中催

詠壺魚 華人造羊角
燈光如琉璃中藏

雙鯉動躍閃鑠掛壁可觀

一勺冰壺雙鯉魚疑如青石硯池魚掛壁昭昭
天理著何須濠上翫儵魚

謁國子監

魏魏夫子廟肅肅展吾誠壇杏花初白庭槐葉
正青麗牲銘剝落石鼓字分明文獻徵猶在斯
遊冠一生

往天壇

配極玄壇祕登高紫籞長雲霞迷繡戶日月近
雕梁滿地蒼松影飄空丹桂香遠人祇對越歸

路已斜陽

長相思

長相思長相思無日無時不相思夢見在我傍
夢覺各天涯天涯萬里鱗羽斷杳杳影響無因
緣長相思長相思冬之夜猶不眠以吾長相思
知爾長相思夜闌更挑燈離懷說向誰人生莫
作遠遊客兩鬢蕭蕭如雪白

謝陳允中韓孔麟兩序班惠詩與扇

溪藤湘竹摠堪珍健筆新詩更有神
便覺清風生兩腋歸程萬里爽炎塵

歸路登蓬萊閣

傑構巍然碧海頭，秦皇當日朮斯樓。
波連河漢通真界，地接蓬瀛認別區。
一去仙童終不返，三神靈藥竟難求。
登臨便覺塵襟爽，自詫男兒辨壯遊。

濟河縣值雨

行人愁遠道，欹枕夢難成。
戀闕千行淚，忠家一片情。
空堦疎雨響，遠店曉雞聲。
羸馬衝泥滑，誰憐使者行。

到大井店後口占

在河間府

趙北燕南縱遠眸
男兒何幸辦奇遊
朝來強醉城東酒
豪興猶堪滿九州

到甌山縣次板上韻

葵藿微忱向太陽
夢魂常近御爐香
幾日

天門祇肅命趨班
虎拜紫宸傍

敬亭李公民歲輓

一夜文星隕海陲
此生無復聽箴規
蘭摧蕙槁香猶在
虎逝龍凶事可知
鶴洞煙霞誰主管
冰溪風月共淒悲
他年忍過西霞路
哭送丹旌涕自垂

訪金孝徵不遇

空齋終日對寒梅苦憶經年恨未裁安得西湖
鶴一隻雲端喚起主人迴

次李虞卿韻

苦雨淫淫書掩扉故人遺我一篇詩慙慙寫出
相思字多少交情也自知

元朝有感次仲氏除夕韻庚午

雞鳴而起獨無眠莊誦鄒書愛憮然工夫默檢
身心上未覺今年勝去年

寄洪無住鎬○時洪公寓春陽

閒將瓶水養叢榴聊且逍遙慰客愁咫尺思君
君不見春風獨上海山頭

贈鄭靜而復亭

五馬南來眼忽明數宵聯枕不勝情天風也解
畱人意吹送簷端小雨聲

輓權參判秦一

妙齡簪笏上蓬瀛踏盡青雲滿地平剖竹初年
畱惠績憇棠當日藉英名島中接儂纜承命
客裏沈疴已隔生千里松楸旅櫬返不堪南望

涕霑纓

輓洪處士 璩

高臥林泉祕姓名，縹緗宿業任平生。
情深菘葛同憂樂，路異雲山阻合并。
急景居然催噩夢，清儀儵爾閉佳城。
如今已作幽明別，題寄哀詞涕淚橫。

輓金持平 奉祖

八龍翹秀世稱英，厚德如公是乃兄。
戴笏霜臺推直氣，割雞湖邑著仁聲。
文星一夜淪精彩，旅魄三春返舊塋。
可惜重泉埋玉日，謾教吾輩淚

霑纓

次金仲亨遇秋韻

堪笑浮生迫暮齡
重逢更覺老多情
牕前積雪鬚兼白
壁畔殘燈眼共青
把酒要須傾滿酌
臨歧且莫問前程
時危此別偏增感
西塞妖氛不盡晴

次金松隱萬年松韻二首

松隱栽松問幾時
蒼髯猶帶老龍姿
盤桓得意安龜縮
騰踏何心到鳳池
灑落遺風今不泯
清疎餘韻晚愈奇
三槐古事君休說
百代遺芳此可知

却掃松陰謝世塵一亭蒼翠滿園新
簞瓢自得顏淵樂
葦戶猶甘原憲貧
興發詩情雲繞筆
涼生醉面露霑巾
經今百載晨如隔
凜凜清風起後人

輓李持平復初性源

溫其如玉粹如金
雅望由來重士林
媿我浮生終寡偶
許君深契共知心
官纔三品才何展
年土中身理莫謀
天道茫茫無可問
斷絃那復續
瑤琴

登侍中臺
壬申○判鏡城時

鯨波萬里滄溟開
螺髻千重白岳來
遊子停驂看未了
日斜猶倚侍中臺

高山館次李芝峯

晬光韻

芝老詩名白日懸
颯颯意味儘無邊
祇今剩馥留人世
在昔仙踪飛上天
庭樹風高饒落葉
孤村日暮起炊煙
鮎竹功名良可笑
院窮無悶慕前賢

贈別鄭評事

斗卿

去歲送君菊花節
今年別我柳條時
菊黃未賦登高興
柳綠還添送客悲
元帥臺前誰勸酒
鬼

門關外莫吟詩年年一度長離別休怪星星兩鬢絲

登磨天嶺六言

脚下千重雪嶺眼前萬里滄溟快若乘雲跨鳳
斯遊最冠平生

渡夕陽橋

白岳連天起成川入海遙年年芳草路人渡夕
陽橋

畱城津

經年關外作羈遊歸袂飄飄八月秋千里鄉山

何處是強扶衰病獨登樓

沃原阻雨次板上韻

客行關苦雨虛館傷秋林獨坐無人語挑燈夜
向淚

輓柳教官禱

厓老堦庭玉樹叢溫醇雅度說吾公鄉園屢忝
芳樽會京洛頻成逆旅逢二豎偶嬰身不起一
官終薄命還窮年年哭送南歸櫬忍見丹旌逝
晚風

輓金察訪允思

壯志當年欲掣鯨薦書寥落晚登名郵丞職事
何嫌慢野老生涯不厭清白首錫原生死別青
冥鶴馭後先行雪山絮酒妨衰病厚誼深慙范
巨卿

輓洪都事

善慶

華緒繇繇自益城吾君令德稱家聲性耽麴蘖
遺塵念身臥林泉謝世榮七袞添三空鶴壽八
龍除二摠人英如今親友凋零盡欲寫哀詞淚
滿纓

輓蒼石李公竣

○乙亥

往年愚老逝今年柳子亾末學猶倚仗先生幸
康強忠義是骨髓道理爲肝腸文章乃餘事談
笑軼班揚青雲騰踏早 經幄被寵光遣懷詩
千首匡時疏萬言片句關世教隻字皆至論進
難知退易遂初返丘園年高德彌邵舉世推達
尊彼天不憖遺德星遽沈淪末疾竟難醫易簣
反元真斯文嗟已矣旨訣傳無人小子辱提獎
從遊廿餘春台昔北征日先生在洛辰高駕枉
敝館教語何周諄瓊琚贈遠行再拜遂佩紳南
還過三載憂患互紛縟門屏違一拜此恨難重

陳音微今永隔無復坐上春題詩堪痛哭末路
漸荆榛

輓同知宗文之行

託契青春到白頭宗盟雖遠氣相求有才不市
嗟東野無子傳家惜鄧攸忽忽人間雞十里苾
苾華表鶴千秋病夫杜戶遠臨穴題輓那堪涕
泗流

飛山松亭祇候旅軒先生

千仞松臺俯碧流長郊十里騁雙眸蒲輪消息
無人問立馬青莎半日留

敬次旅軒先生行中五言詩

召命自天降先生不敢越扶病冒炎熱行行向
九關蒲輪漢家始養老周文作 聖恩雖欲報
氣力少壯別尺疏告退歸微言多裨益至誠豈
不動 天意應密勿進退關時運行藏付命物
舟中幸陪遊此樂豈易得十句五言篇乃是紀
行錄珍重出處義莊誦永後日

次張經叔應一韻却寄

雨後長江月色妍扁舟上下興悠然主人謾負
良宵約悵望南山洞裏天

用前韻奉呈金梅園光繼

月白江清霽景妍
論懷終夜意超然
何時枕洛書齋下
共汎仙舟十里天

次清陰金相公

尚憲

贈別詩

丁丑

廣陵時事那堪說
回首東溟媿古人
相公詩句尤增感
馱病南歸淚滿巾

輓金藏菴

八龍今代俊公是
第三人雅性清如水
高標迥出塵子淵
甘陋巷原憲任長貧
冒祿誠非願殘郵
轉益辛驅馳戎馬際
荏嶺湖春旅館仍觀

化鄉山遠反真重泉嗟永閔良覲杳無因舊契
今誰在幽懷竟莫伸巡簷憐短日引領望寒旻
絮酒妨衰病題詩淚滿巾

輓崔完海

山輝

總卅相隨共業文兩家情義倍慇懃
無雙士帶礪新盟不世勳半世風塵音信斷
百年人事死生分春堂永隔晨昏省題輓那堪涕
淚紛

旅軒先生輓

門牆出入自成童父母神明愛敬同
晦陶正脈

傳江左濂洛餘風振海東典刑昭代人皆仰開
詔方來道益隆攀輦此日終天痛白首紛如未
發蒙

伊院次諸友贈別韻

戊寅○赴蔚珍時

百年膠漆寸心明披對終宵話舊情曲罷驪駒
重惜別行人臨發又停行

登泣嶺

山從碧海畔鬱起特嵯峨行行到絕頂極目天
一涯煩襟忽爽然花鳥引興多如何名以泣我
且浩浩歌

登觀魚臺

丹陽東畔有高臺
眼際滄溟萬里開
勝景森羅吟不盡
且將豪興屬三盃

季秋詠月

碧海陰雲捲青天
素月明鈐齋無一事
敲枕喚惺惺

輓李上舍

時榦

哀哉吾友李孟堅
松柏之操雪月姿
蘭芝爲佩蕙爲裳
本之孝弟立根基
自從摳衣泗水上
聞所未聞知未知
言行相顧寡悔尤
於道固已窺

淚涯念昔初從大荒落君我之鬚始生願金蘭
託契情莫逆幾年冰岳相追隨春風溪上訪花
柳冬雪寒霜傾酒卮連牀交衽日復日切磋組
織相箴規顓蒙開發賴吾子子非吾友真吾師
雲龍上下期生死不道人間有別離那知分散
斗南北別時常多見時稀川原浩浩兩無因時
致尺素瀉離思闕逢之歲天禍我酷罰相因逢
百罹君時匍匐至四五感銘厚詎知不貲悲歡
離合苦無常握手重逢未易期年遇重光君在
夜我往弔之中心悲終宵未展滿腔懷愁聽寒

雞鳴喔咿惘然告別不忍別豈料永訣在是時
君持憂服過悲哀積毀沈綿餘一暮中間收得
十全功意謂神明所扶持如何將息失其方病
入膏肓終莫醫幽音忽報海門秋仰天長吁却
然疑病未診問喪未斂九原他日將何辭蒼黃
榮驢哭君廬風月淒涼缶水湄哀哀鶴髮與孤
鸞歲月漫漫將誰依上帝福善而禍淫此理於
君殊參差蒼蒼無信固如此得非高高聽不界
眼中吾老今已矣海內親朋知有誰落月滿梁
見顏色未死精魂儻來歸情不可窮言有盡和

淚題輓夏霑衣

貢稅浦別金以直

仙槎館裏幸團圓却憶從遊廿載前
情語匆匆還未了不堪分手夕陽邊

輓訥齋崔公晚○庚辰

才傑當年第一人玉堂金馬媚
楓宸君民志願存堯舜獻替謨
訐聳搢紳有子有孫先天折
無知無信彼蒼旻迢迢仙馭歸何處
忍見荒原閉窳窳

次蒼石韻贈別李子長慶培

悲歡人世飽憂餘
滾滾年光逝水如一語慇懃
重寄子桑榆至樂在
看書

用前韻慰金司書貫之
宗一失火

數歲長沙賦鵬餘
參元失火赭垣如倚伏冥冥
難可識要須忍性學
鄒書

輓金溪巖
吟○辛巳

溫其如玉粹如金山斗高名
一世欽軒冕儻來非素願
丘園棲息遂初心忍聞天上催仙馭
無復人間領士林秋水精神應不死
烏川月色古猶今

輓柳應教類 ○ 壬午

英姿雅望擅當時至行平生我最知
袞袞悲歡猶石火悠悠聚散各霜髭
半年荼毒沈疴積五紀光陰大耋虧
有美賢郎能繼述儻來餘慶此應推

丹丘幽居 甲申

險阻艱難費幾年晚來占築小溪邊
川流宛轉同朝海山勢嵯峨共挿天
茅屋松門當職分碧雲明月好因緣
風軒盡日疎簾捲長對蒼巖意自然

輓金梅園 丙戌

宣城文獻冠吾東，淑氣由來鍾我公。
灑灑曾襟流素月，溫溫眉宇挹春風。
操存旨訣追陶老，踐履工程襲後翁。
尚喜脩齡猶未艾，豈知斯道便終窮。
梅園寂寞清芬歇，枕洛荒涼逝水空。
道義交深吾仲氏，夤緣契遇我顛蒙。
提撕懇懇逢迎際，勸勉淳淳往復中。
十載睽離勞夢寐，三春違約歎衰癯。
誰教天上催仙馭，無復人間啓瞽矇。
剛恨沈疴違執紼，荒詞寧盡此生恫。

輓睦監司

性善○丁亥

金榜聯名始見親
每欽風調出凡塵
經筵獻替優承渥
陝右旬宣大得民
纔喜福星臨嶺徼
忽驚仙馭駕颺輪
空畱篋裏瓊琚句
披讀那堪淚滿巾

輓俞參議省曾

出入軒墀飽德馨
承顏如拜我先兄
詩書宿業三韓老
忠孝純誠一代英
木稼呈妖悲殄瘁
庭槐畱慶耀恩榮
從今忍過西門路
題罷哀詞涕淚橫

輓李紫巖民寅○己丑

人間七十七年春厚德如公世幾人二品 恩
榮曾赫赫八株蘭玉夏振振天涯凶報初疑夢
別後英姿似隔晨耆舊卽今零落盡不堪題輓
涕霑巾

次李壽翁爾松洛臯亭韻

龜厓南畔創新堂蕭灑幽居夏月涼隱几坐看
山靄動釣簾吟對水流長爭傳公擇藏書所自
學玄明養性方從此儻堅鷗鷺約傍人錯道也
無妨

輓梧峯夫人 庚寅

空家綏福履爭慕壹儀賢一德從三日八旬又
七年風旌飄羽谷雙劍會重泉孝子攀號處親
朋涕淚漣

甲午除夕

病臥漳濱老此身歲除明日又新春年年守歲
成何事自媿平生醉夢人

輓柳監司 碩○乙未

灑灑風猷貌若心堂堂論議聳儒林烏臺鳳閣
蜚英早霖雨丹青屬望深誰遺姓名刊北籍獨
畱聲譽重南金涼涼末路知音少欲寫哀詞涕

淚淫

輓張晚悔慶遇

先生設教有章程雅飭如公一世英
挿架詩書專志業盈庭蘭玉藉聲名
幾回函文同趨夢尚憶巖齋共把觥
白首人間惟我在不堪梁月十分明

丁酉冬至夜吟

灰飛半夜響春雷動靜由來閉又開
默向邵窩揆易理循環萬古一元來

次權子正守經自樂堂韻

碩人卜築此山中真趣依然安樂翁精神灑灑
丹岡鳳襟韻飄飄碧落鴻妙句驚人雲遶筆雄
才動俗氣成虹端居一室無塵雜羨子幽棲邁
古風

又次子正天雲臺韻

正值溪山八月秋故人迎我坐林丘澄潭曲曲
天逾遠翠嶽重重雲自留野菊經霜開爛熳沙
鷗浴水對浮沈一笑登臨如羽化方知人世是
仙區

輓裴君尚虎

昔我從遊道川子每說吾君真可人偶然傾蓋
已巳夏披豁宛對吾元賓一見能消鄙吝萌道
川許可知有以去年重逢成一歡瓊樹相思魂
夢裏凶耗忽承夢非真善人如何天不福驂騮
未展千里足鷓鴣空摧九霄翮吾輩如今零落
盡知音末路更誰託欲寫哀詞淚先垂瞻望南
雲長太息

輓鄭平州好仁

生苑公何有飄零我自傷盛名循吏傳遺澤左
符鄉風範今如昨重泉杳不暘題詩當遂缺悲

咽不成章

己亥正月夜夢吟清風明月是故人之

句覺後足成一絕

病卧匡牀歲又新
終宵轉輾苦吟呻
世間莫道知音少
明月清風是故人

懶齋先生文集卷之一

懶齋先生文集目錄

卷二

教

教江原監司朴遂書

教黃海監司李冕書

賜祭文

賜祭漢南君李必榮文

賜祭刑曹參判李民寔文

疏

戊寅應旨疏

辭掌令疏

乞護兄喪疏

甲申應旨疏

啓

請收趙贊申恂補外之命啓

請收清風郡守權倣已梟示之命啓

請沔川郡守吳達天罷職啓

再啓

請遣御史查出貪婪守令啓

避嫌啓

請統制使金應晦推考 啓

請勿遣信使仍自効 啓

在開城府 啓

在椴島 啓



情
卷
下
密

情
卷
下
密

情
卷
下
密

懶齋先生文集卷之二

教 賜祭文

教江原監司朴遜書

王若曰唐虞之世旣勤岳牧之咨文武之時尤
重棠棣之化茲將方面之寄庸畀國耳之賢粵
惟穢貊舊壇實是畿輔左臂海濱山麓風氣自
別於中區土瘠民貧租賦實艱於上供矧經兵
火瘡殘之劇繼以饑饉癘疫之災白屋盡空於
閭閻老羸靡子黔首大半於流逋少壯疇依有
懷于四境嗷嗷不寐而中心耿耿顧茲安集撫

摩之任不其重歟必得慈詳愷悌之人無如卿者惟卿才華卓犖見識高明爲諫諍耳目之官輿望允洽處論思喉舌之職衆心咸推雄州佩符已騰袴襦之頌价藩持節克殫原隰之勞旣中外茂著於厥庸空緩急必屬之大事茲授卿江原道觀察使兼兵馬水軍節度使巡察使卿其益懋殊績將多前功江西大侵庶追韋丹之存撫青社賑救須效富弼之勞來農桑衣食之源寧忽勸課學校風化之本要務作興黜陟幽明茹柔吐剛之當戒平反奸獄雪冤伸枉之是

先均賦役而布鴟鳩之民整卒伍而嚴桑土之
備至若弛張施設之策惟在權度商量之宜罪
大辟則上聞官通訓而自斲於戲予旣浚於眷
注肆不免臨軒懇惻之辭卿可篤於對揚庶毋
負攬轡澄清之志故茲教示想宜知悉

教黃海監司李晏書

王若曰自古方伯連帥之職蓋重旬宣卽今危
急存亡之秋詎輕付畀予得人矣卿往諧哉惟
卿溫粹之資剛方之氣論議正直聳風采於臺
端見識高明判是非於朝右通才何碍於劇務

利器要別於盤根眷惟黃海之蕩殘實在青丘
而爲最弊瘼難一二計征徭剝膚饑饉又七八
年老羸顛壑民其無祿國將疇依念恆軫於中
宵憂益切於西顧丁按臣秩滿之日伊誰代歟
申廷僚僉同之謀無如卿者茲授卿黃海道觀
察使兼兵馬水軍節度使巡察使卿其母替予
命往盡乃心一策應一撫摩自可便宜以從事
或稟處或自斷合遵成憲而奉行卿固已籌予
不多誥於戲攬孟博之轡佇聞郡邑澄清褰郭
屐之帷庶見旌倪歡忭故茲教示想宜知悉

賜祭漢南君李必榮文

惟靈名公之後王國之特率由先訓允蹈吉德
氣宇端方文彩炳蔚昔在先朝早登桂籍翰
苑簪筆銓衡刀尺銀臺玉署柏府薇垣靡不歷
駁朝有其人暨試州牧亦著茂績嶷然典刑黑
頭宰列斂退昏朝孰撓可奪建余踐祚存膺拔
擢入參卿月出守藩服隨遇盡職望實愈洽心
焉嘉乃眷注彌切頃鎮松都屢見移疾謂言微
恙庶幾勿藥還朝未久凶計遽徹胡天不憖俾
予驚怛茲遣禮官代陳洞酌不昧者存庶冀歆

格

賜祭刑曹參判李民寯文

惟靈名卿之子王國之特氣雄神邁才俊局嶷
昔在 先朝妙齡釋褐穩步花磚秉簡薇垣雙
璧輝煌咸有令聞中年蹇滯蠖屈丘園人或有
言予實知卿俾守萊府蘇我邊氓遂長隸院摘
伏嚴明地部擢用會計允當東都宣化政績居
上子用嘉乃中心藏之如何不淑二豎莫醫計
來亟且殊甚驚怛茲遣禮官陳此洞酌不昧者
存魂其來格

疏

戊寅應 旨疏知蔚珍時

伏以臣於土年二月 除授本縣今已一周歲
有餘矣上之不能承流宣化下之不能蘇殘祛
瘼難逃尸曠之責只切兢惶之憂然於一邑生
民之痼弊蓋嘗講之已熟且值大無之餘旱乾
連仍闔境嗷嗷莫保朝夕思欲一晉瞽言仰瀆
宸嚴俾此海隅遐遠之氓獲蒙 朝廷惠鮮
之澤而顧念疏逖之臣人微言淺誠不足以上
動 天聽僭越是懼遲回不敢矣頃者因本道

臣行會敬奉 明旨令中外大小臣僚草野韋
布極言闕失 手札十行丁寧懇惻其遇災寅
畏反躬修省之意溢於言表臣奉讀再三感激
于中若於此際終始含默則臣之負 殿下多
矣敢陳一縣之弊次及修省之實以備 聖明
之財擇焉臣竊見蔚之爲縣東濱滄海而地不
滿十里西麓太白而率皆高山峻嶺無人之境
北至三陟南接平海而俱不過三十里壤地窄
小瘠薄最甚旱田無非磽确水田皆是沙礫五
穀不蕃木綿不產只靠販賣魚鹽於嶺南以資

衣食以供賦役雖在上熟之年尚有啼飢之患
流亾相繼戶口日縮積弊因循以至於今究其
所以然則蓋以結役之偏重也軍額之過多也
所謂結役偏重者臣謹攷本縣田案原摠爲六
百三十二結五十餘負而其中癸卯量田時加
出十三結乙巳川反三十餘結甲子陳荒四十
五結辛未川反七結各年自覺又三十餘結皆
是隨墾隨陳黃茅白草之場而猶稱實結渾入
應稅之數原初一結之地今以十結而責之從
前十夫之役今以一夫而應之如所謂大同作

木也三別田稅也六斗米十斗米之役名目多
端責應煩瑣而至若六斗米則計減之外移給
於嶺西他邑者多至九百餘包夫以一邑之所
出供一邑之賦役尚有不堪當之患况移給他
邑爲弊滋甚者乎三別田稅旣督於北運大同
作木又催於上納族徵鄰侵一時叢沓擔石無
儲瓶缸已竭民之存者旣不免鬻馬牛賣田宅
而嶺西移受之民又從而索米焉民非木石其
何能支臣誠不忍其刻迫論報道臣姑緩麥秋
而如干麥農未及成熟殺青幾盡其收於飢民

口吻之餘者不過滯穗與遺秉耳麥秋雖居枵
腹猶前而勒徵科外之斂以塞他邑之需剗却
心頭冤呼徹天嗚呼虛結病民之害一至此哉
臣聞往在 反正初三陟府田結過重伊時府
使臣趙濺陳疏上達 朝廷特許蠲減今日之
蔚珍卽前日之三陟也三陟之民旣蒙恩於前
同仁一視之澤寧有彼此之異乎夫三陟地方
之廣戶口之繁倍蓰於本縣而目下應稅不過
爲六百四十八結與本縣田結之數略相上下
本縣虛結之濫觴從可知矣且嶺西列邑隨起

隨稅民以蒙惠而嶺東九邑則只做舊帳逐年
勒加苦歎懸殊民情呼冤尤當如何哉所謂軍
額過多者臣謹攷本縣軍案騎兵正軍二百七
十九名保人六百二十一名而以此而爲束伍
者一百九十三名也爲京砲保者四十四名也
御營軍八名而正保并十七名也監營牙兵及
忠壯定虜樂生司僕諸員合十九名也蓋本縣
之男丁載籍者實摠爲一千七百四名則以是
而專責軍保之役尚不無闕伍之患况籍後逃
故其數不貲品官校生不在此例而至若武學

業武等二十八名驛吏日守等一百九十八名
衙前官屬等二十一名寺奴內奴校奴等五十
一名磨造匠雕刻匠及藥夫等許多名色舉在
勿侵之科則其中見漏於雜役僅合於充軍者
殆不能三之一以若箇羸殘之丁充近于偏苦
之役按括已甚虛闕尚多纔離襁褓勒定加年
父子而混侵兄弟而並役一室之應役者多或
至於五六每當正軍上番之際督捧番價則辦
出無路舉家逃避不得已徵之於族鄰甚者徵
之於族之族鄰之鄰而猶不得收刷貸用月利

於京中而物主催督之患不日且至今年如是
明年亦然扶攜轉徙勢所必至餘丁價布則自
號牌之後死徙殆盡者前此固已頃給而虛名
尚多徵布猶前防營牙兵則始設於上年而分
定之數不計邑樣之殘盛如使所得新丁果是
精銳則民弊有不暇恤而苟充傭丐之徒只添
騷屑之端至於樂生之役民之最難堪者而頃
在戊辰以橫城殘敗移定於本縣當初充定者
舉族逃避隨後填代者旋定旋亾子遺殘氓實
難支保於乎尚忍言哉臣聞平海軍摠通計六

百四十七名則較諸本縣軍額尚少一百餘名
平海戶口之數多於本縣而本縣軍伍之額浮
於平海人民怨苦之狀推此可知矣臣之前所
謂閩境嗷嗷莫保朝夕者蓋指此兩端也伏願
聖明洞軫生民之疾苦特霽曠蕩之洪恩

明降該曹劃卽變通田結則悉減虛簿俾絕無
田橫徵之弊軍額則束伍砲保之戰亡有頃者
知委本道移定於民衆之邑逃亡軍士則嚴立
刷還事目一依兩界之規頒行於三南使之隨
卽刷還而其他餘丁價布防營牙兵及移定樂

生之類并令 廟堂與之商確或賜蕩滌或命
減下斷然施行以救涸轍之急則十室殘邑庶
有其蘇之望矣嗚呼 國運不幸上天方墜去
年之旱振古所無而今春之旱甚於去年是何
聖明在上憂勤惕厲而連歲降禍之慘至此
極也雖然天道不愆變不虛生臣竊觀今日之
人事而有以知名災之由也臣意以爲 國家
自經大難以來與民休息務爲寧靜勸課農桑
輕徭薄賦待其呻吟稍定物力粗完然後凡百
賦役方可復古而 祭享 御供權減之外未

聞有裁省之舉虛文因舊浮費猶前不爲撙節
之計常患經用之乏催科愈及於外方鞭箠狼
藉於窮民重之以饑饉癘疫之患父子不相保
夫妻不相育此離東西顛仆溝壑滿目悲慘不
忍俱陳噫東海一冤婦尚致三年之旱矧乎舉
國蒼生流離失所殷屎盈路安得不傷天地之
和名水旱之災邪嗚呼憂民之言不絕於 聖
教而德澤未加賑恤之令相繼於文移而實惠
未究此則奉行諸臣俱不免其罪而推原其本
則臣以爲 殿下敬天之心愛民之誠或有所

不及於古聖人而然也。殿下苟能懋修厥德，誠實無偽，反躬自責，如成湯側身修行，如周宣以不忍人之心，行不忍人之政，自一言一話無一念之不在於民利於民，則行之猶恐不及，害於民則祛之猶恐不克，擺落虛文，減損浮費，寧使國用未裕，無令民力太竭，以應損上益下之義，使如傷之仁，若保之澤，浹於民心，則民之愛戴不啻如父母，變呻吟為謳歌，只在轉移之間耳。民心既悅，則視聽自我之天，寧有不格者乎？昔召公進戒於成王，以誠小民為祈求命之

本以疾敬德爲誠小民之本臣之此言實非無稽伏願 聖明畱神澄省焉嗚呼古有無難而喪邦者或有多難而興邦者孟子言生於憂患死於安樂困於心衡於慮而後喻此正 殿下增益聖知多難興邦之日而惟天惟 祖宗所以責望於 殿下 殿下 一國臣民所以期待於 殿下者爲何如也蓋由 殿下之一念敬怠而安危判焉存亡決焉天地 祖宗實臨在上如有 一刻汎忽則天地必降譴怒 祖宗愛無可爲 須是刻苦磨厲堅忍不懈常以句踐燕昭之事

自期得賢而共國修內而攘外凡百云爲一出
於至誠持之以悠久行之以不息則天地祖
宗亦將默佑於冥冥之中玉成聖德而中興
之盛指日可待矣嗚呼 殿下懋哉懋哉噫今
日之事可言者非一而臣不敢毛舉只以修省
之實惓惓於 殿下者誠以 殿下一心萬事
之根本也由是而悅豫天心由是而鞏固邦命
民愁可以紓兵憂可以解而蠲除弊瘼特措置
中一事耳今之進言者多矣如臣所論不過迂
闊之常談無異於貢承銜碓而螻蟻願忠之誠

終有所不能自己敢竭一得之愚以寓向日之
忱伏惟 聖明畱神澄省焉臣無任瞻天望聖
激切屏營之至

辭掌令疏 丁亥

臣伏覩 殿下自臨御以來宵旰憂勤厲精圖
治八方拭目顒望太平今四年于茲矣致治之
效茫如捕風天怒於上而災異頻仍民怨於下
而殿屎方極試以臣目覩而心痛者言之嶺外
一區春而旱夏而澇秋又大旱重以雨雹之災
地霜之異田疇蕩析禾稼卒瘁十年饑饉之餘

子遺之民僅僅資活而備無之災至今年而彌甚臣不敢知 殿下有何闕失而天心之不豫災沴之荐降若是其酷邪嗚呼天下萬事有大根本所謂大根本者固無出於人主之心術 殿下苟能遇災警省嚴恭寅畏敬天勤民一出於至誠惻怛則天人孚感之效將指日可見而今日之艱危乃至於此臣有以窺 殿下根本之地有所未盡用力而致之也伏願 殿下反之於心而濳思病根所在隨事窮格隨處體驗使動於中者無一念之不實發於言者無一句

之不實施於政者無一事之不實今日如是明日又如是積以歲月無所間斷如此而德業不日進治化不日著則臣當伏妄言之誅矣且天下之患莫大於直言不聞直言不聞則鹿馬易形於前而君莫之知矣 殿下臨御已久俯視臣僚皆莫已若凡於臺諫之言如水投石摧折之斥逐之相繼不已能有碩脊強項者幾人而終不為之挫折哉優容臺諫導之盡言嘉猷因伏幽隱畢達則天地交泰上下同志而庶可以扶傾補敗拯濟艱屯矣雖然其鼓動振發之機

係於 殿下之一心故敢以根本之說爲今日
應病之藥誠以根本旣立則凡有所爲無不如
意譬如網舉而目張領挈而裘順舍此之外更
無別道正周子所謂正其本萬事理也伏願
殿下畱神澄省焉臣以草莽寒踪至愚極陋豈
敢忝叨言責重地乎况臣犬馬之齒逾六望七
精力已耗半身頰中之證積有年紀風薄則眩
暈雨溼則酸痛種種危證不一而足承 命驚
惶黽勉登道而證勢轉劇寸寸前進今始趨肅
逋慢之罪亦無所逃矣伏願 聖慈特垂矜憐

亟賜鑄改以僂公私不勝幸甚

乞護兄喪疏

辛未

伏以臣罪積不弟召致凶禍仲兄修撰臣達道
奄逝客館伏蒙 聖慈特加震悼傷惜之意溢
於 辭教護送之 命又出常例 恩寵曠絕
衿紳聳感臣奉 命感激涕淚無從不知將何
以報答也抑臣別有悲苦之懇臣賦命崎嶇卓
失怙恃得蒙 兄撫育成就之恩以至今日實
與生我而無間矣千里供仕更相爲命一朝奄
忽幽明僂隔臣之情事不但天顯孔懷之痛而

已將以明日勒還嶺外脩途酷炎艱苦備極寡
嫠孤兒顛踣可虞臣於此時固當躬執慎緝護
還松楸庶酬生平恩義之萬一而顧臣職忝兵
部之任法無歸葬之例且今大賊壓境中外戒
嚴臣子分義固不敢擅離職次區區之私無路
可伸拊膺長慟繼之以血第伏念臣以亡兄服
制受由在外公制限內旣無出仕之規則護送
半程趁限往還公私之間恐無相妨茲敢忘其
僭猥冒死呼籲於天地父母之下伏乞 聖慈
曲賜矜憐特許 恩由俾得少伸至情則臣之

含恩感泣尤當何如也臣無任瞻天望日兢
惶祈懇之至

甲申應 旨疏 知醴泉時

伏以天禍吾東降茲大割日月不居 因山已
畢臣子摧慕之痛當復如何伏覩 殿下以聖
繼聖誠孝純至五月居廬盡滕文之哀戚三年
定制追宋皇之持服朝夕哭泣之節晝夜衰經
之禮有非閭閻匹庶所可堪者環東土含生覆
育之類孰不感服而戚戚哉至性天全仁聲日
聞推此以往庶幾至治可興而夫何近日以來

變異層生日食地震俱在數旬之內臣竊反復
深思未知厥故仰天拊膺寢食俱廢者屢矣迺
者因本道臣行會敬奉 明旨許令中外臣庶
極言闕失悉陳無隱臣奉讀再三有以知 聖
上畏天勤民兢兢業業不敢違寧之盛意也如
臣疏遜學術空疎智慮短淺何足以仰副 聖
教之萬一第念臣以 先朝舊物出入 軒陛
殆將數十年其於 朝政得失雖不敢自謂有
見亦嘗略窺其大體今當字牧之任日接凋殘
之民憂傷之念到此益切雖發口盡言不爲過

越乃敢先撮其切於民弊者三事略條于左伏
惟 聖明垂察焉 一曰稅木刁蹬之弊我國貢
稅之法已有 祖宗朝不易之典中外行用之
木率以五升三十五尺爲準而十許年來旋爲
該司所沮格凡干貢木之上納者不滿七八升
四十五尺則輒見退斤故方外列邑苟冀無事
惟以督民峻捧爲事而各司點退之弊愈往愈
甚呵喝鞭箠無所不至遐方小吏惶怯失措貸
出月利略略彌縫而月利之徵延及齊民未及
半年息至五倍公債纔了橫徵繼至民之冤號

勢所必至試以本郡言之十年之間三見點退積年滯逋尚掛虛簿而當年未收叢沓一時欲緩則關飭相望急於星火欲捧則指徵無處甚於龜毛公私狼狽罔知所以措處臣之愚意寧使國用未裕毋令民力太竭各營上納木品一遵舊制無或濫觴年久虛逋之無憑可攷者亟令 廟堂量空蠲減以應損上益下之義而本郡當年未收之木亦自監營踏印直送于該曹毋得如前點退則可免更費人情添用月利之弊而民力可得少緩矣二曰田結自覺之弊

我國結役之法蓋取三代什一之遺意就其常
耕不廢常收不減者而分等打量縛定正案使
民之作者收其一年所出而上不失公家之賦
役下足以仰事而俯育故雖當大無之歲無困
頓遷徙之患矣自經兵火之後田籍雖存而陳
荒居半昏朝以民結多有落漏發遣敬差勒加
卜數謂之自覺而其實各邑以勒加之數分排
於民結見案之內增其賦稅而已試以本郡言
之土瘠而民貧墾少而陳多每於踏驗之際只
隨其元帳所載而高下其自覺之數故結隨歲

增稅與日加枉斂橫徵罔有紀極哀我農民終
歲勤苦地之所出不足以補其稅之所入而賣
田鬻子猶不自給佩瓢擔囊骨肉分離是豈
聖世之所可忍爲者乎臣之愚意 國家不爲
量田則已旣爲量田而因用自覺之虛結此實
無名之稅也宜令各道方伯嚴飭列邑詳加檢
覈惟元帳時耕外夏勿以自覺之數分俵於應
稅之中則民有定業國有常賦起死回生之效
庶可得見於今日矣三曰軍額苟充之弊我國
兵制略倣古者寓兵於農之義騎兵奉足有三

步兵奉足有二衣裝器械皆出奉足故雖有一
朝警急之憂居者無資送蕩產之慮行者無征
役獨賢之苦矣自經壬亂以來民丁死亾殆盡
各邑軍簿蕩然空虛往在甲子 朝廷特令減
哨其隨時變通之義不得不然而戶口未及蕃
息軍額旋即如舊各營以苟充額數逐名徵布
爲務列邑以虛張姓名姑免生梗爲主保人奉
足固不暇恤而元軍闕伍十居八九軍政之破
綻疎漏一至此哉試以本郡言之如所謂騎兵
步兵也水軍陸軍也砲保束伍之屬名目不一

厥數甚夥較諸一郡元戶之摠殆有過焉旣不
可以鬼錄而仍置又不可以刻木而代填則勢
將就其見存之戶而逐名分排故白骨尚有投
名黃口輒當兼役悲痛愁苦冤呼徹天軍情如
此緩急其可恃乎臣之愚意兵務精而不務多
與其取怨苟充而無補於實用毋寧簡其數寬
其役使民有親上死長之心乎今若依甲子事
目各營軍摠一切裁減騎步奉足依例劃給則
軍得土著之丁民免偏苦之役警動奮發可以
致敵愾之效矣臣之縷縷所陳極涉猥冗固不

足有槩於 聖念而小而一郡如此大而一國
可知况其所論諸條實係八域通同之弊者乎
至若 朝政得失臣既發端於前請更以平日
隱憂於中者爲 殿下一二鳴呼朝著不靖
而搢紳失共貞之美聞帥掎克而軍卒有轉恤
之勞大綱小紀陵夷不振而號令不行民風國
俗反常敗倫而發聞惟腥至於內需之弊膠固
已極宮府一體豈空如是而未之革焉諸宮家
各衙門折受山海貽弊多端近日屯田其害尤
甚而未之罷焉各衙門軍官坐費廩料經費日

縮此非所當祛者乎不急之官疏遠宗族受祿
素餐其麗不億此非所當省者乎凡此皆所以
拂人心而傷和氣安知今日之變不由於此乎
臣聞應天者必務其實弭災者必正其事實之
不至而以虛文感天事之不正而以空言弭災
者未之有也嗚呼商宗修德而能致桑穀之枯
周宣側身而竟弭雲漢之災今日應天之實不
可以他求惟在 殿下之一心 殿下苟能修
德如商宗側身如周宣克謹天戒反躬自省益
篤其嚴恭寅畏之誠使本源之地湛然清明內

自宮闈外徹朝廷無有一毫私邪之間積久純
實以臻中和之極功則子思所謂位天地而育
萬物董子所謂陰陽調而風雨時者庶幾可致
而今日之變適所以仁愛我 殿下而玉成我
聖德豈不休哉雖然修德必由於講學講學
莫先於窮理而進爲之方自有次第理非一日
可窮行非一蹴可到必須沈潛玩索以致其貫
通之妙堅厲刻苦以至乎正大之域養滾積厚
德協于一然後發於政事云爲之間者方得其
正臣竊見古昔先民講論爲學之方勸戒於人

主者固非一二而最爲深切而著明者莫如先
正臣李滉聖學十圖也 宣廟初年陳劄獻圖
請爲屏帖常目在之以裨聖學 宣廟嘉納而
尊信之拳拳服膺竟致中興之績亦越 先大
王反正之初因筵臣 啓請特揭屏幃常置左
右以寓勸戒之意真所謂前聖後聖其揆一者
也伏願 殿下念先正獻規之至意體 列聖
納誨之盛德 命取此圖俾作宥坐之具朝夕
諷誦反復磨礪常如先正臣周旋左右不啻耳
提而面命則涵養德性成就 聖學之方外此

而無他道矣惟 殿下勿視爲常談死法而深
加惕念焉則 宗社幸甚臣民幸甚臣無任瞻
天望聖兢惶懍惕之至

啓

請收趙贊申恂補外之一命啓

人君聽言之道言雖過中固當優容寬假不折
其敢言之氣而 聖上以趙贊申恂等一言乖
當遽施黜補之罰此兩人者其心實在於斤和
議扶正論而但有處置矇矓論事過激之失摧
折已甚斤逐相繼此豈大聖人包容言者之道

也嚴譴一下物議喧騰竊恐箝制萬口沮遏
公議實今日啓之也請更加三思亟寢趙贊
申恂等補外之

請收清風郡守權儆已梟示之 命啓

王者之政莫慎於用刑用刑之中大辟爲最凡
係死囚必待三覆而後決此金石不易之典也
今此權儆已梟示之 命雖出於振肅刑綱之

意而不待查覈取服遽行大辟之律恐非 祖
宗朝恤刑之本意也况臣等取考監司狀 啓
及儆已原情則多有異同改槩與改造差殊依

例與橫徵相左不可無一番明查也大槩儆已
所犯雖果難貸嚴鞫得情使渠無辭然後就誅
可也若或有一分可恕之道而未及明查徑先
誅戮則適足爲濫刑之歸而不但受刑者有所
不服爲惡者亦無所懲今儆已之死大臣及臺
閣皆欲緩之者非欲爲儆已地乃所以存獄體
恤刑章也臣等伏見答大臣之教有曰矯弊
之權空夫三尺之法有一定之式豈可以一時
權宜徑斷死刑乎請姑停權儆已梟示之命

請沔川郡守吳達天罷職 啓

今年水旱之災前古所未有當此西成之日流
散載路民事之艱危有不忍言 國家方講蠲
役賑救之策自初秋至今日行會各道姑緩賦
役非止一再而沔川郡守吳達天或稱官家所
用或稱大同出役災實未勘之前私自受米於
舊結一結所受至於二斗預慮新結之欠縮汲
汲於先期多取其侵虐飢民之狀殊極可痛沔
川郡守吳達天請 命罷職

再啓

民生之休戚係於守令之賢否雖在豐穰之歲

苟有貪縱不法者則少不寬貸况饑饉荐臻大
命近止之日乎 國家行會各道姑緩賦役而
沔川郡守吳達天災實未給之前先自收米於
舊結殊無給災給陳之意其侵虐之罪斷不可
饒貸臣等於昨日縷縷論列請罷其職欲以警
動他人使之懲戢以救飢民侵虐之困矣 聖
上只下推考之 命使渠巧爲辭說以爲文過
之地守令貪墨之輩將何所懲勵而 朝廷惠
鮮之澤終不得下究矣一守令論罪雖似細微
所關極重沔川郡守吳達天請 命罷職

請遣御史查出貪婪守令 啓

各道各邑如沔川者何限而慮或風聞失實不敢枚舉請罪宐令各道監司嚴明查出論以重律斷不可已也但監司之聞見猶不如暗行

御史之出入閭閻備知民間疾苦彈劾守令貪汙而近年以來廢閣不行以致貪官汙吏恣行割剝無所忌憚當此饑歲民生困苦之狀尤不可不念請速發暗行 御史勿限抽柱一依故事使之廉問各道守令之貪婪者依律定罪

避嫌 啓

臣以至愚極陋猥忝言地時政得失可言者多
而泯默度日徒費廩祿反躬循省祇增悚慙第
伏念臺諫一國公論之所在設令所言過激固
當優而容之也 殿下不惟不從又從而罷黜
之囚繫之瞻聆所及莫不驚心而駭目豈意

聖明之世有此過中之舉乎臣恐自今以後指
鹿之奸近在 軒陛之下而莫有能敢言者臣
竊太息流涕繼之以痛哭也且念民生困悴實
係國家存亡當此流散載路殺越寔繁之日爲
守令者貪婪成風撫摩者少而割剝者多若不

訪問痔苦糾劾賊汙則民無所賴國隨以危臣
等發遣御史之請蓋以此也而自下差送之
教遽出意慮之外臣等相顧慄惕措躬無地
暗行發遣必自睿斷而爲之則率爾陳請難
免僭越之罪伏乞聖明遞斥臣職

請統制使金應晦推考 啓

統營控制三南興利病民之事名目甚多已極
寒心而近來分遣聚斂之人專管鹽利兩南各
津往來私船一切禁斷非本營所送之鹽則不
得售於民間以此其價踊貴人皆淡食怨讟不

賞請統制使金應晦姑先從重推考令兩南監
司另加禁抑

請勿遣信使仍自劾 啓

伏見吏曹參判臣鄭蘊劄子大槩力陳和議之
非請停信使之行瞻聆所及孰不聳感巨竊念
夷狄禽獸也朝和夕叛固不足信而備邊諸宰
不思自強之策惟懷乞憐之計日以奉幣納款
爲事思之及此豈不凜然寒心哉蘊不在言地
而猶且抗疏力爭况官以諫名所爲者何事反
躬循省瞿然若失臣旣知其不可而不言待人

先發而後發之臣之不職之罪大矣請命遞
臣職

在開城府

啓戊辰朝

天時

臣等以一行卜定船隻事曾已入啓蒙允下
送事知軍官金天擎于平壤府使之刻期裝船
矣臣等今十三日到開城府得見金天擎文報
則兩湖排定船隻尚未到泊兩西船隻粧造事
則差使員勾管兩差使員甌山縣令以鐵物裝
治之未有前規瞞報監司無意舉行至如本道
專知梢工及水手等亦未完聚使行利涉專在

於舟楫等物而各道各官視爲尋常慢不舉行
實爲寒心且臣等今行非如凡他使行節日有
期登程時急而裝束凡節如是稽緩今月之內
決難乘船若值風高節晚則海路險惡必有節
日未及之患尤爲煎慮伏乞 朝廷別賜處置
兩湖排定船隻則速飭發送兩西粧造船隻則
嚴督備待篙工水手等亦令刻期完聚俾無狼
狽之患幸甚且伏念登州撫院構誣之說誠爲
固極 天朝若使之取路天津則茫然不知所
以措處臣等竊聞自前登州軍門延送使行頗

加款厚每言 國王何不一番相問癸亥奏聞
之行自 上特致揭帖禮單軍門果感喜云今
於臣等之行又用癸亥之例則彼當益感厚意
易於動聽矣已以此意微稟於 廟堂而臣等
妄料 天朝若不從軍門改路之請則誠幸矣
不然臣等區區呈文終不若自 上送禮單得
歡心之爲體重而當初構誣之計庶可因此而
自止得免取路天津之患而凡所呈辨亦可以
採施矣權宜處變是或一道特令 廟堂更加
商量處置焉

在椴島 啓

臣等一行前月二十九日自大同江乘船事已
爲馳 啓而乘船之後舟閣淺灘風勢又不順
雷泊海口至六七日之久十一日始爲開洋十
二日夕得到椴島則都督往登州時未還營十
三日朝臣等使通官呈名帖及禮單於毛副摠
則副摠以爲貴國殘敗之餘資斧必不贍回辭
不受毛副摠及陳中軍各爲票帖使之呈納都
督明日當候風發行計料臣賫來事目監封上
送事

